

INDUSTRIKONSULENTEN PÅ OSTERØY

Årsmelding 2015

Forutan direkte oppdrag for etablerarar og bedrifter og **sekretærfunksjonen for Osterøy Industrilag**, har følgjande oppgåver prega arbeidet i 2015: **sekretariat for Osterfjord Nærings samarbeid**, arbeid for etablering og utvikling av fleire **lokalsamfunnsutviklingsprosjekt** i Osterfjord-regionen, sekretær for **Hordaland Bioenergiforum**, arbeid for etablering av **Espevoll næringsområde**, prosjektansvarleg for "Flettverk" som rettar seg mot design, tekstilindustri og handverk i Osterfjordregionen, og for «**Kompetanseutvikling i CNC og robotnæringsmiljøet i Hordaland**», sekretær for **kompensasjons-styret** og medlem i rådet for **Kompetansesenteret for CNC og robot** ved **Osterøy vidaregåande skule**.

Industrikonsulenten har bistått ved oppfølging av 3 **skattefunnsprosjekt** i 1 Osterøy-bedrift.

Talet på **nye oppdrag**, 18, var på nivå med føregåande år. Talet på **etableringsoppdrag**, 13, var og på nivå ned året før. Ca halvparten av desse nye etableringsoppdraga har allereie resultert i **nye verksemdar**. I dette talet er ikkje rekna med nyetableringar i 2015 i samband med oppdrag som er registrerte året før/ tidlegare år.

I 2015 arbeidde industrikonsulenten vel 50% stilling grunna kronisk sjukdom.

Industrikonsulenten er **sekretær for Osterøy Industrilag**. Industrilaget har hatt mykje fokus på samferdsle og i 2015 vart mykje av arbeidet med omlegging av fylkesvegen gjennom Hosanger utført. Industrilaget arbeider for eit større næringsareal på Espevoll og for utbetring av fylkesvegen gjennom Vesetgjelet.

Kommunen har gitt tilskott til Industrikonsulentverksemda også for 2015. Dette ligg inne i kommunen sitt langtidsbudsjett. Kommunen held kontor til Industrikonsulenten.

Me får tilskott på kr 18.000 frå **Hordaland fylkeskommune** via **Osterfjord Nærings-samarbeid** til næringsutviklingsarbeid (året før kr 35.000). Osterfjord Nærings-samarbeid har godtgjort arbeidet som sekretær for nærings-samarbeidet med kr 51.000.

Vedteke i styringsutvalet pr 20.4.2016

OPPDRA

Forutan ein del oppdrag frå året før som det har vore arbeid vidare med, har Industrikonsulenten altså fått **18 nye oppdrag i 2015**. Dette er både reine kontakt- og informasjonsformidlingsoppdrag og oppdrag der konsulenten har gjort ein "jobb" for verksemda. Omfanget av oppdraga varierer frå oppdrag som vert løyste pr telefon til det største oppdraget som var på 28 timar.

Oppdraga var fordelte slik:

	2011	2012	2013	2014	2015
Nye etableringsoppdrag	22	19	14	12	13
Nye oppdrag for etablerte verksemdar	9	14	4	5	5
SUM	31	33	18	17	18

I tillegg til det som er registrert som "oppdrag", kjem ei rekkje kontaktar med verksemdene gjennom sekretærfunksjonen for Industrilaget og gjennom prosjektarbeid. Ca 10 lokale verksemdar er med i prosjektet «Kompetanseutvikling i CNC og robot-næringsmiljøet i Hordaland».

For mange av etableringsoppdraga var ønsket om å ha ein "samtalepartner" utgangspunktet for kontakten. Von om gunstig "finansiering/tilskott" var utgangspunkt for nokre. Nokre personar tok kontakt for å få utarbeidd "næringsfagleg vurdering" som grunnlag for støtte gjennom NAV. Det at det finst tilskotts-ordningar, er eit hjelpemiddel til å kome i kontakt med oppdragsgjevarane. Men det er svært få som oppnår å få tilskott. Skattefunnsordninga med skattefrådrag for utviklingsarbeid er ei bra ordning for veletablerte bedrifter, men det er no relativt få som nyttar seg av ordninga.

Følgjande oppstilling syner korleis oppdraga er fordelte med omsyn til storleik på verksemdene:

Tilsette	Tal oppdrag
Nyetablering	13
1-4	2
5-9	2

10-19	0
20-49	0
50-100	1
SUM	18

Dei fleste av oppdraga er komne i stand etter initiativ frå kunden, eventuelt etter tips frå andre som t.d. kommunen og NAV. Kva oppdrag Industrikonsulenten arbeider med, vert i stor grad styrt av dei som er initiativrike. Ved 61% av oppdraga var første kontakt pr telefon og resten ved personleg møte eller epost. Oppdraga har vore frå 18 ulike etablerarar / verksemdar.

Oppdraga for **eksisterande verksemdar** bransjefordelt:

Mekanisk industri	1
Bygg og anlegg	1
Tenester, anna	3
SUM	5

I desse tala kjem ikkje med oppdrag for eksisterande verksemdar som har gått over fleire år.

Etableringsoppdraga bransjefordelte:

Ulike former for tenester	8
Industri	0
Bygg og anlegg	1
Handel	3
Anna	1
SUM	13

Det er vanskeleg å seie kor mange verksemdar det vert av desse etablerings-sakene, mange etableringar skjer over tid, men heile ca halvparten har starta ny verksemd i løpet av året.

NYREGISTRERINGAR I FORETAKS-REGISTERET

For å gje eit bilete av nyetableringsaktiviteten på Osterøy, tek me med informasjon som byggjer på kunnngjorde nyregistreringar i Foretaksregisteret i 2015. Dette dekkjer ikkje dei som berre er registrerte i Einingsregisteret (t.d. enkelt-personforetak som ikkje driv handel).

Selskapsform	Tal registrerte
Aksjeselskap, AS	23
Enkeltpersonforetak, DA	10
LTD	2
Samvirkeforetak, SA	1
Sum	36

Bransjar

Fleire foretak opererer i fleire bransjar. Her er berre teke med den bransjen som truleg er viktigast:

Bransjar	Tal registrerte
Eigedom, investeringsselskap	5
Bygg og anlegg	9
Tenester (elles)	9
Handel	7
Transport	
Industri	2
Anna	4
Sum	36

ANDRE SAKER INDUSTRIKONSULENTEN HAR ARBEIDD MED

Forutan å vera **sekretær for Osterøy Industrilag** (sjå eiga årsmelding) har Industrikonsulenten arbeidd med mellom anna følgjande oppgåver av meir generell karakter for Osterøy-næringslivet;

* Osterøy-næringslivet fekk **kompensasjon for auken i arbeidsgjevaravgifta** frå 1.1.2000 t.o.m. 2003. Industrikonsulenten er sekretær for kompensasjonsstyret.

* Industrikonsulenten representerer Osterøy Industrilag i rådet for **Kompetansesenteret for CNC og robot ved Osterøy vidaregåande skule**.

* Industrikonsulenten har for 2005-15 hatt **sekretariatsfunksjonen for Osterfjord Nærings-samarbeid**. Osterfjord Nærings-samarbeid vert finansiert m.a. med tilskott frå Hordaland fylkeskommune og mottok 105.000 kr for dette i 2015 (124.000 i 2014 og 189.000 kr i 2013). Osterfjordregionen får ikkje lenger midlar via Hordaland fylkeskommune til **Regionalt næringsfond for Osterfjord** (i 2014 kr 456.000, året før kr 954.000). Regjeringa og dermed fylket har redusert kraftig i slike regionale utviklingsmidlar. Frå 2013 er Åse Nilssen engasjert som prosjektleiari for stimulering og etablering av fleire **lokalsamfunnsutviklings-prosjekt** i Osterfjord-regionen inkludert ei satsing på profilering av lokal matkultur. Sjå eiga årsmelding.

* Industrikonsulenten har vore med å starte **Hordaland bioenergiforum** og deltek i arbeidsutvalet. På vegne av forumet har Osterfjord Nærings-samarbeid med Industrikonsulenten som sekretariat fått RUP-midlar hjå Hordaland fylkeskommune til forumsaktivitetar i 3 år. Aktiviteten var låg i 2014 og 15.

* Industrikonsulenten har vore pådrivar for **samarbeidsavtalen mellom Osterfjord-regionen og Høgskulen i Bergen** som vart inngått 15.3.2007 og fornya 11.10.2014. Industrikonsulenten er gjennom Osterfjord Nærings-samarbeid medlem av samarbeidsutvalet som er oppretta. Det vert samarbeidd på fleire område. Me har m.a. utarbeidd 2 ulike søknader til Regionalt forskingsfond for Vestlandet; «Robotisert bærekraft - Innovasjon i robotkommuner» og ei vidareføring i Nordhordland av «Utvikling av ny metode for kommuners

næringsutviklingsarbeid med utprøving i Vaksdal, Osterøy og Modalen kommuner», som me ikkje kom i mål med.

* Industrikonsulenten arbeider for realisering av **eit større næringsområde** på ca 550 da på **Espevoll**; "Stort og Bergensnært", www.espevoll.no . Det hadde vore ønskeleg med større framdrift i kommunen sin del av prosjektet.

* Som sekretariat i Osterfjord Næringsssamarbeid har Industrikonsulenten vore prosjektansvarleg for forprosjektet "**Flettverk**" for kopling tekstilindustri, design, kultur og handverk. Eit 3-årig hovudprosjekt vart starta mot slutten av 2012. Prosjektet er finansiert gjennom Regionalt næringsfond for Osterfjord, midlar frå Hordaland fylkeskommune og eigeninnsats. Prosjektleiaren er Tone Boska og Siv Støldal. Sjå eigen sluttrapport. Arbeidet ver vidareført i eit forprosjekt for «**Dei på Gerdet**» i Fjell kommune, også her med Osterfjord Næringsssamarbeid som prosjektansvarleg.

* Prosjektet «**Kompetanseutvikling i CNC og robot-næringsmiljøet i Hordaland**» vart starta opp i 2014 m.a. med 3 mill kr frå Innovasjon Norge og kr 250.000 frå kvar av fylkeskommunen og Regionalt næringsfond for Osterfjord.

MØTE, KURS, FOREDRAG

Forutan møteverksemd mm. i samband med ovannemnde kan nemnast:

- Møte på HiB om **sivilingeniørutdanning**.
- Delteke ved **dialogsamling** i regi av Hordaland fylkeskommune.
- Orientert om «Kompetanseutvikling i CNC og robotnæringsmiljøet i Hordaland» på **orienterings-møte på Gardermoen i regi av Innovasjon Norge**.
- Delteke ved møte for **regionale tiltakskontor**, m.a. på samling i Norheimsund.
- Skipa til bedriftsbesøk og møte på Osterøy ved 2 høve for **samarbeidspartnarar i Thüringen i Tyskland**.
- Delteke ved **prosjektleiarsamling i Oslo** for prosjekt i Innovasjon Norge sitt program «Kompetanseutvikling i regionale næringsmiljøer».
- Delteke ved **150-årsjubileet til Mjøs Metallvarefabrikk AS**.
- Førebudd og delteke ved **studietur til Tyskland** for å førebu søknad om strategisk partnerskap under EU-ordninga **Erasmus+**.

STYRINGSUTVAL

Styringsutvalet har hatt følgjande samansetjing:

Formann : Lars Magne Bysheim

Sigbjørn Reigstad, vara Vivian Jacobsen

Arne Hansen, vara Stig Eknes

Prosjektet er i regi av Osterfjord Næringsssamarbeid med Industrikonsulenten på Osterøy som prosjektleiari. I februar hadde me ei prosessamling med 30 deltakarar frå undervising, forskning og næringsliv. Diverre har Høgskolen i Bergen førebels lagt planane om ein bachelor på området på is grunna nedgangen i leverandørindustrien som er retta mot petroleumsnæringsna, men har skaffa seg betre utstyr g vil tilby eit felles valfag innan CNC og robot for maskin og elektro. Det vil også verte eit tilbod innan fleire masterprogram. Vinteren 2016 søkte Bergen tekniske fagskole NOKUT om godkjenning av ei fagteknikarutdanning innan CNC og robot. Her har fleire Osterøyverksemdar stilt opp med samarbeidsavtalar og HiB stiller med sensorar. Ved Kompetansesenteret for CNC og robot ved Osterøy vidaregåande har prosjektleiaren diverre sagt opp stillinga si pr 1.2.2016. Prosjektet vil i 2016 fokusere på m.a. marknadsføring av fagskolen sitt nye tilbod.

Ordførar Kari Foseid Aakre og Jarle Skeidsvoll etter valet 2015.

DØME PÅ SPØRSMÅL SOM INDUSTRIKONSULENTEN HAR HANDSAMA I 2015

- Er det mogeleg å få tilskott til etablering på Osterøy??
- Me er truga av å bli slått konkurs. Kan du hjelpe??
- Eg har kome eit stykke på veg med å utvikle ein ny roduktide. Kan du hjelpe meg vidare?
- Korleis kan eg få serveringsløyve?
- * Kan du hjelpe meg med ei næringsfagleg vurdering slik at eg kan behalde støtta frå NAV?
- Eg er blitt pensjonist og vil starte reiselivstilbod på garden. Kan eg få snake med deg?.
- Eg vil kjøpe ei spesialgravemaskin. Koreis kan eg finansiere denne?

REKNESKAP 2015

3100	Konsulentonorar	37 600,00
3110	Sekretær Osterøy Industrilag	40 000,00
3121	Prosjektinntekter	353 400,00
3440	Tilskott frå Osterøy kommune	150 000,00
3441	Tilskott frå Osterfjord Næringssamarbeid	69 000,00
3441	Tilskott frå andre	
8297	Renteinntekter	10 332,71
	Sum inntekter	660 332,71
5000	Løn inkl sos utgifter netto	418 934,00
6700	Revisjon	1 500,00
6800	Kontorkostnader	13 010,66
6900	Telekostnader	6 878,63
7165	Reise/diett	1 604,00
7185	Km godtgjersle	5 111,00
7770	Gebyr	1 774,25
	Korreksjon	-6 658,43
	Sum utgifter	442 154,11
	Overskott/underskott	218 178,60
1500	Kundefordringar	47 000,00
1900	Bankkonti	1 449 013,89
	Sum eiga	1 496 013,89
2410	Leverandørgjeld	7 796,00
2430	Innskott frå Industrilaget	200 000,00
2600	Skuldig skattetrekk	0,00
2700	Skuldig mva	1 604,00
2770	Skuldig arbeidsgjevaravgift	0,00
	Eigenkapital	1 286 613,89
	Sum gjeld og eigenkapital	1 496 013,89
	Eigenkapital 1.1.2015	1 068 435,29
	Overskott/underskott 2015	218 178,60
	Eigenkapital 31.12.2015	1 286 613,89

Lonevåg 19.4.2016

Lonevåg 19.4.2016

Lars Mjøs
kasserar

Norodd Helle
revisor

INDUSTRIKONSULENTEN PÅ OSTERØY

TIL DI TENESTE

FOR KVEN ?

Alle som driv eller har lyst til å driva næringsverksemd på Osterøy, har høve til å nytta Industrikonsulenten. Verksemda di eller planane dine kan vera frå dei minste til dei største og i alle bransjar.

KVA SLAG SPØRSMÅL ?

Alle typar spørsmål som har med næringsverksemd å gjera, kan rettast til Industrikonsulenten. Me vil anten kunne svara på dei sjølve eller finna fram til stader der du kan få svar. Alle opplysningar vert handsama fortruleg.

KVA KOSTAR DET ?

Tenestene til Industrikonsulenten er gratis dersom du er nyetablerar eller me treng kort tid for å finna svar på spørsmålet ditt. Dersom spørsmålet ditt krev meir arbeid, må du etter avtale betale ein timepris frå kr 450 til kr 550.

KVEN STÅR BAK ?

Det er Osterøy Industrilag som har teke initiativ til stillinga og tilsett Industrikonsulenten. Osterøy kommune støttar stillinga økonomisk og held kontor, telefon og breiband. Industrilaget betaler sekretærgodtgjersle og ein del inntekter kjem frå oppdrag me utfører for næringslivet og for Hordaland fylke. Ordføraren er representert i styringsutvalet for verksemda.

KVEN ER ME ?

Lars Mjøs har vore tilsett som Industrikonsulent sidan 1982. Han er utdanna sivilingeniør, maskinlina, ved Norges Tekniske Høgskule, no NTNU. Han har vidareutdanning innan

undervisning, miljøvern, mellom anna arbeidsmiljøspørsmål og innan etablerarretteiing. Han har vore med å skrive boka "Fem små mekaniske verksteder" og boka "Grunnbok i bedriftslære".

Han har 1 års verkstadpraksis frå Nylands Mekaniske Verksted i Oslo før han tok til med utdanninga og han har arbeidd 2 år som skipsvinsjkonstruktør ved BMV, Hordvikneset.

KORLEIS FÅ TAK I INDUSTRIKONSULENTEN ?

Ring direktenummer 56 19 22 70, mobil 416 28 531. E-postadressa er;

lars.mjøs@osteroyindustrilag.no .

Du kan og vitje Industrikonsulenten i "bustaden" ved rådhuset på Hatland. Send eller legg att ei melding om du ikkje treff nokon på kontoret.

Nærare informasjon finn du på

www.osteroyindustrilag.no/indkons og på

www.kom-an.no